

勝天王般若波羅蜜經卷第五

羽

真肱下善思惟矜高上居陵姪他上也莎

吼羅後上聲婆下同底下禮拏下女造多上物

桑和舊音茶上聲柘之夜祢女遺同阿

毘下音社時者施他羈反哀反青紺

下古暗也則靡緬彼園苑謂之狂音青紺

苑之鳧同音鵠下胡狂音青紺

柱兒韋下細云翔上集音革下毘下舍下首下陀下

也亦云成達羅姓

陳優禪尼國王十月婆首那譯

勝天王般若波羅蜜經卷第六

勝天王般若波羅蜜經述德品第十

爾時文殊師利菩薩摩訶薩即從座起偏袒右肩右膝著地合掌向佛頭面作禮而白佛言世尊菩薩摩訶薩於幾劫數行般若波羅

有六

磧砂大藏經

勝天王般若波羅蜜經

卅

第十五册

蜜供養幾佛而能如是對揚如來說甚深般若波羅蜜如勝天王爾時佛告文殊師利菩薩摩訶薩善男子如此之事不可思量若非無數百千億劫修習眾行種善根者則不聞是般若波羅蜜名善男子十方恒河沙世界中諸恒河沙數尚可知是菩薩摩訶薩幾劫行般若波羅蜜供養幾佛數不可知文殊師利過去無量無邊阿僧祇不可思議劫爾時有佛名曰多聞如來應供正遍知明行足善逝世間解無上士調御丈夫天人師佛世尊國名日光劫名增上時多聞佛為諸菩薩摩訶薩說清淨法門諸善男子勤修精進莫顧身命時彼會中有一菩薩摩訶薩名曰進力即從座起偏袒右肩右膝著地合掌向佛頭面作禮而白佛言世尊所說勤修精進莫顧身命如我解佛所說義者菩薩摩訶薩應當懈怠尔乃速成阿耨多羅三藐三菩提何以故菩薩摩訶薩若勤精進是則不能久住生

死菩薩摩訶薩行般若波羅蜜斷伏煩惱久住生死終無自度速證涅槃不化衆生世尊菩薩摩訶薩處生死中用之爲樂不以涅槃而爲樂也何以故世尊菩薩摩訶薩利益衆生以之爲樂隨彼所樂即用方便說種種法令得安樂若證漏盡不能利益一切衆生世尊是故菩薩觀察生死起大悲心不捨衆生成就本願世尊菩薩摩訶薩具方便力久住生死得見無量無邊諸佛及聞無量無邊正法教化無量無邊衆生是故菩薩摩訶薩不厭生死不樂涅槃世尊菩薩摩訶薩若觀生死而起驚怖則墮非道不能利益一切衆生通達如來甚深境界云何非道所謂貪樂聲聞辟支佛地於諸衆生無大悲心何以故聲聞辟支佛道即非菩薩摩訶薩道何以故聲聞緣覺怖畏生死求速出離功德智慧則不具足以是義故非菩薩道尔時多聞世尊讚進力菩薩摩訶薩言善哉善哉善男子如汝

勝天王五十六

二

所說菩薩摩訶薩應修自行勿習非道進力菩薩白佛言世尊何者是菩薩摩訶薩自所行道尔時多聞世尊告進力菩薩摩訶薩言善男子菩薩摩訶薩成就一切功德智慧以大悲力不捨衆生遠離聲聞辟支佛地得無生智不捨三有心無求望而增善根方便修行諸波羅蜜以智慧力無分別心生諸善根成就盡智無量功德無一法生方便現生無一衆生方便教化知一切法皆自性離觀諸佛國猶如虛空而以方便嚴淨佛土知一切佛法身無像方便示現相好莊嚴隨諸衆生心所須欲即能應與菩薩身心常寂靜離而爲衆生種種說法亦以方便遠離喧撓修諸禪定知自性空悉能通達甚深智慧而以方便爲他說法不證聲聞辟支佛果求佛解脫不捨菩薩一切道行善男子是名菩薩摩訶薩道文殊師利進力菩薩從多聞世尊聞說菩薩所行境界得未曾有即白佛言希有世

尊如我解佛所說義者菩薩摩訶薩具足方便一切諸法無非其道世尊譬如虛空悉能容受一切衆色如是菩薩具足方便所行之道攝一切法又如虛空樹木藥草菓樹香樹因之增長如是諸物不染虛空亦不能淨不能令瞋亦不令喜如是菩薩摩訶薩有方便

勝天王六

般若波羅蜜緣一切法皆悉是道若凡夫法若學人法辟支佛法若菩薩法若如來法何以故菩薩摩訶薩悉通達故又譬如火若遇樹木竹草必無退還是等草木皆利益火發其光明諸法亦爾悉是菩薩摩訶薩道譬如金剛自體堅密刀不能斫火不能燒水不能

爛毒不能害菩薩摩訶薩方便智慧聲聞緣覺及諸外道一切煩惱所不能壞世尊如清水珠若在濁水即爲之清菩薩摩訶薩般若波羅蜜珠能使一切衆生煩惱悉得清淨世尊譬如妙藥珠寶毒不共居能消衆毒菩薩摩訶薩行般若波羅蜜方便不與一切煩惱

共俱悉能斷滅世尊以是因緣一切諸法皆是菩薩摩訶薩道文殊師利進力菩薩說是法門時衆中八千菩薩發阿耨多羅三藐三菩提心二百菩薩得無生法忍文殊師利過去多聞佛所進力菩薩今勝天王是尔時文殊師利菩薩白佛言世尊云何菩薩摩訶薩

行般若波羅蜜得堅固力擁護正法佛告文殊師利菩薩言善男子菩薩摩訶薩寧棄身命不捨正法於他卑恭不起憍慢無勢力人之所耻辱其心能忍飢渴衆生即便惠施最勝飲食在厄難者施其無畏於諸疾病如法療治貧窮衆生令豐財寶諸佛塔廟白灰泥塗惡事則掩光揚善事苦惱衆生則施安樂文殊師利菩薩摩訶薩行般若波羅蜜修如是行得堅固力擁護正法文殊師利菩薩白佛言世尊菩薩摩訶薩行般若波羅蜜云何能調伏心佛告文殊師利菩薩言菩薩摩訶薩行般若波羅蜜不濫他事先思後行心性

調直離諂曲行不自矜高意常柔輒文殊師
 利菩薩摩訶薩如是行者能調伏心文殊師
 利菩薩白佛言世尊菩薩摩訶薩行般若波
 羅蜜修是等行當生何道佛告文殊師利菩
 薩言菩薩摩訶薩如是行般若波羅蜜者或
 生天中或生人中若生天中則為帝釋值佛

卷五十六

四

出世或大梵王娑婆國主值佛出世若生人
 中作轉輪聖王長者居士值佛出世文殊師
 利菩薩摩訶薩調伏心行得如是生文殊師
 利菩薩白佛言世尊正信流出何法佛告文
 殊師利菩薩正信流出得善知識世尊布施
 流出何法佛言流出大富世尊多聞流出何

法佛言流出般若波羅蜜世尊持戒流出何
 法佛言流出一切善道世尊忍辱流出何法
 佛言流出容受眾生世尊精進流出何法佛
 言能成就一切佛法世尊思惟流出何法佛
 言流出寂靜世尊般若流出何法佛言流出
 離一切煩惱世尊聽法流出何法佛言流出

遠離疑網世尊如法問流出何法佛言流出
 決定智世尊住寂靜流出何法佛言流出禪
 定及諸神通世尊正修流出何法佛言流出
 獸離道世尊無常聲流出何法佛言流出無
 所攝護世尊苦聲流出何法佛言流出無生
 世尊無我聲流出何法佛言流出滅我我所

世尊空聲流出何法佛言流出寂靜世尊正
 念流出何法佛言流出聖正見世尊身心離
 流出何法佛言流出三昧神通世尊聖道流
 出何法佛言流出聖果世尊信樂流出何法
 佛言流出成就諸解脫世尊佛生流出何法
 佛言流出一切助菩提法今時勝天王白佛

卷五十六

五

言世尊云何佛生佛告勝天王言如發菩提
 心世尊云何發菩提心佛言大王如生大悲
 世尊云何生大悲佛言不捨一切眾生世尊
 云何不捨一切眾生佛言如不捨三寶世尊
 誰不捨三寶佛言無煩惱者今時勝天王白
 佛言希有世尊希有修伽陀諸佛世尊如是

秘密甚深微妙常說一切法空無生無滅寂靜不破所修善惡果報遠離斷常世尊於世界中頗有衆生聞如是法不起正信敬重之心生毀謗不世尊是等衆生過去之世因由善業得受人身親近惡知識故不信如是甚深之法則爲孤負過去善業諸佛世尊恩德

深重假使自割身肉出血供養如來亦不能報以佛恩故我等今日增長善根得大法樂住大自在世尊菩薩摩訶薩行般若波羅蜜應知佛恩近善知識當學佛行令得佛果說是法時衆中二万五千菩薩得無生法忍四万五千人天發阿耨多羅三藐三菩提心一万二千天子得遠塵離垢法眼淨

勝天王般若波羅蜜經現化品第十一
尔時善思惟菩薩摩訶薩白勝天王言如來所造化佛更能化不尔時勝天王答善思惟菩薩言今對世尊以爲明證佛所化佛更能化作恒河沙數無量化佛種種色相神通說

法利益衆生善男子諸佛宿世願力清淨故能如是善思惟菩薩白勝天王言大王善說甚深之法諸佛宿世願力清淨唯願大王請佛神力令此般若波羅蜜久住世間無有隱沒勝天王答善思惟菩薩言善男子般若波羅蜜一切諸佛之所護持何以故文字所說

般若波羅蜜如是文字不生不盡無有隱沒字所顯義亦不生不盡無有隱沒善男子諸佛如來甚深般若波羅蜜亦不隱沒何以故法不生故若法無生此則無滅即是如來秘密之教若佛出世若佛不出性相常住是名法界亦曰如如名不異際隨順因緣而不違

有天王云

六

逆是爲正法其性常住無有隱沒善思惟菩薩白勝天王言大王能護正法是何等人勝天王答善思惟菩薩言善男子若不違逆一切法者名護正法何以故無有諍論不違道理名護正法又問云何不違道理答曰若順文字不違道理無所諍論名護正法何以故

世間凡夫皆著諸見順道理者則常說空是故世間而起諍論如是凡夫愛重有法順道理者於此則輕世間說有常樂我淨順道理者說無常若不淨無我是故世間而生諍論善男子一切凡夫順世間流順道理者逆世間流是故世間則生諍論一切凡夫著陰界入順道理者說一切法悉無所著是故世間而起諍論善男子隨順世者不行道理順道理者與世相違善思惟菩薩白勝天王言大王今者取何等法勝天王答善思惟菩薩言我不取人不取法又問云何不取答曰我離衆生離法離是離悉不可得過去未來現在離離不可得諸佛離諸佛不離佛國土離國土不離法離法不離善男子如是之行名順道理無取不取亦時善思惟菩薩讚勝天王言善哉大士善哉正士能說如是甚深般若波羅蜜無取無著無名無字滅諸戲論離能分別及所思惟亦時衆中有一天子名曰賢德

勝天王六

七

即從座起偏袒右肩右膝著地合掌向佛頭面作禮而白佛言世尊如勝天王所說無分別者爲是何法佛告賢德天子言無分別法即是寂靜何以故取可取無離我我所不起不息是名無分別法善男子菩薩摩訶薩如是觀者能護正法不見能護及以所護說此法時衆中十千比丘心得解脫一千天子得遠塵離垢法眼淨亦時善思惟菩薩白勝天王言何等辯才能如是說甚深之法勝天王答善思惟菩薩言善男子一切煩惱習性無者所得辯才能如是說過言語道不可名宣第一義智如是辯才能作此說亦時善思惟菩薩問賢德天子言善男子云何無生法中以辯才說亦時賢德天子答善思惟菩薩言菩薩摩訶薩不住無生無滅法中則無辯才說甚深法何以故遠離戲論不見所緣不見能緣心無所住是故能說不住人法不住此彼唯住清淨第一義諦是故能說亦時善思

惟菩薩即白佛言世尊賢德天子甚為希有
乃能通達甚深之法辯才無盡佛告善思惟
菩薩言善男子此賢德天子從妙喜世界不
動佛所而來至此娑婆世界聽受甚深般若
波羅蜜佛復告善思惟菩薩言賢德天子已
於過去無量百千億劫修習陀羅尼門窮劫

說法亦無終盡善思惟菩薩白佛言世尊何
等陀羅尼佛言善男子名眾法不入陀羅尼
善男子此陀羅尼過諸文字言不能入心不
能量內外眾法皆不可得善男子無有少法
能入此者故名眾法不入陀羅尼何以故此
法平等無有高下亦無出入無一文字從外

來入亦無一字從此法出又無一字住此法
中亦無文字共相見者亦不分別法與非法
是諸文字說亦不減不說無增從本以來無
起造者無壞滅者善男子如文字心亦如是
如心一切法亦如是何以故法離言說亦離
思量本無生滅故無出入是名眾法不入陀

初六五六

八

羅尼若能通達此法門者辯才無盡何以故
通達不斷無盡法故善男子能入虛空者則
能入此陀羅尼門善男子菩薩摩訶薩能通
達此陀羅尼門心得清淨身口亦亦所行附
理般若堅固一切眾魔無有能亂一切外道
不取視瞻一切煩惱莫之能壞身力成就心

離怯弱所說無盡能宣甚深一切聖諦智慧
多聞猶如大海安住三昧喻須彌山處眾無
畏如師子王世法不染猶彼蓮華利益眾生
譬之大地洗諸垢穢喻如大水成熟世間以
方大火清涼平等能悅眾心類之如月能破
諸暗譬其以日摧煩惱怨名為勇健心性調
伏猶如大龍能震法雷大雲為喻普雨眾法
譬之大雨為諸眾生除煩惱病猶彼良醫以
法治世譬如國王能護眾生及護正法等四
天王於人天中財富最勝猶如帝釋心得自
在譬大梵王自在王領娑婆世界身得無礙
如迦樓羅鳥教示眾生如世間父能出法寶

類毘沙門王能出眾寶功德智慧之所莊嚴
 眾生見者無不利益諸佛世尊之所稱讚一
 切天眾咸擁護之善男子菩薩摩訶薩得是
 眾法不入陀羅尼門種種自在利益眾生方
 便說法而不窮盡心無疲勸不求名利法施
 平等無有嫉妬持戒清淨於身口意求無愆

利天三六

九

失忍辱清淨離諸瞋惱精進清淨所作辦立
 禪定清淨善調伏心般若清淨悉無疑滯具
 四無量猶如梵王行諸三昧三摩跋提世間
 最勝修無上道具諸功德一切智慧受灌頂
 位說是陀羅尼法門時眾中六万四千菩薩
 得不退轉三万菩薩得無生法忍二万人天

得速塵離垢法眼淨無量無邊天人發阿耨
 多羅三藐三菩提心

勝天王般若波羅蜜經陀羅尼品第十二
 尔時文殊師利菩薩摩訶薩即從座起偏袒
 右肩右膝着地合掌向佛頭面作礼而白佛
 言希有世尊如來所說菩薩摩訶薩得是眾

法不入陀羅尼所成功德無量無邊尔時佛
 告文殊師利菩薩言善男子如是功德假使
 如來百千年說亦復不盡尔時眾中有一菩
 薩摩訶薩名寂靜意白文殊師利菩薩言菩
 薩摩訶薩得是陀羅尼為佛世尊之所讚嘆
 如此之人善得大利自行化彼皆悉不空尔

時文殊師利菩薩答寂靜意菩薩摩訶薩言
 善男子第一義中無法可讚無色無相無色
 相者有何可讚無可讚故於何歡喜寂靜意
 菩薩白文殊師利菩薩言如我聞佛脩多羅
 中說一切法無我我所無能令喜無能令瞋
 此法平等菩薩應學譬如大地住在水上若
 鑿井池即得水用其不鑿者無由致之如是
 聖智境界遍一切法若有勤修般若方便即
 便得之其不修者云何能得是故菩薩欲求
 菩提不得懈怠若勤精進如是之法則在現
 前善男子如生盲人不能見色如是煩惱盲
 諸眾生不能見法如人有眼無外光明不能

見色行人如是雖有智慧無善知識不能見法如有天眼不假外明自能見色菩薩摩訶薩入法流者自然勝進如在胎中日日增長而不自見菩薩摩訶薩勤行精進亦不自見衆行增長而能成就一切佛法譬如雪山有藥樹王不枯不折菩薩摩訶薩勤修精進一

楞天三六

十

切衆行不退不失譬如轉輪聖王出現於世則具七寶菩薩摩訶薩發菩提心具七法寶所謂布施持戒忍辱精進禪定智慧及方便力又如轉輪聖王遊四天下於諸衆生其心平等菩薩摩訶薩以四攝法利益衆生亦復如是又如轉輪聖王所在之處則無諍訟菩

薩摩訶薩如實說法亦無諍論譬如三千大千世界初成即有須彌山王及以大海菩薩亦尔若發阿耨多羅三藐三菩提心即有般若及以大悲譬如日出其高山者先照光明菩薩摩訶薩得般若炬高行菩薩善根熟者先照其光譬如大地荷負一切華果樹木藥

草皆悉平等菩薩摩訶薩得是陀羅尼門於諸衆生其心平等尔時世尊讚寂靜意菩薩摩訶薩言善男子如汝所說善男子菩薩摩訶薩得是陀羅尼門九有所說一文一字無非佛語善男子此所說法離色聲香味觸何以故非世法故無盡無邊能入一切身心輕

利假使百千佛前說者亦不怯弱何以故此菩薩摩訶薩得佛住持力故心無所著不着我不着衆生不着法即得清淨法界清淨如來清淨實際得法無盡字無盡說無盡即生歡喜得般若故得闍那故無疑網故說是陀羅尼法門時衆中八千菩薩得此衆法不入

楞天三六

十

陀羅尼一万二千菩薩得不退轉五千菩薩得無生法忍一万六千天子得遠塵離垢法眼淨無量無邊衆生發阿耨多羅三藐三菩提心尔時世尊告寂靜意菩薩言此陀羅尼能伏衆魔破諸外道及憎嫉法人滅煩惱火然般若燈擁護法師令至涅槃調伏自心善

化外眾美身威儀見者歡喜為正行人平等
 說法如寶觀察眾生根性不前不後說是法
 時三千大千世界諸須弥山及以大海皆悉
 震動諸天雨雲交陀羅華摩訶曼陀羅華曼
 殊沙華摩訶曼 沙華優鉢羅華拘物頭華
 分陀利華迦摩羅 諸天空中作眾音樂不
 鼓自鳴尔時世尊告寂靜意菩薩言善男子
 過去之世無量無邊不可數不可數劫有佛
 出世名曰寶月如來應供正遍知明行足善
 逝世間解無上士調御丈夫天人師佛世尊
 國名無毀劫名歡喜聲聞弟子三十二億菩
 薩摩訶薩無復數量是佛成道無有苦行及
 降天魔時彼眾中有一菩薩名寶功德辯才
 巧妙種種說法尔時大眾請佛住世勿入涅
 槃時寶功德菩薩告大眾言如來世尊無生
 無滅何用勸請勿入涅槃若虛空入涅槃如
 來乃入涅槃若實際真如法界不思議界入
 涅槃如來乃入涅槃何以故如來之法無成

無壞無染無淨非世出世有為無為非斷非
 常假令一口而有十舌是一一舌復生百舌
 是一一舌復生千舌亦不能說如來成壞寶
 功德菩薩說是法時八万六千菩薩得不退
 轉七千菩薩得無邊功德陀羅尼悅意陀羅
 尼無礙陀羅尼歡喜陀羅尼大悲陀羅尼月
 愛陀羅尼月光陀羅尼日愛陀羅尼日光陀
 羅尼須弥山陀羅尼大海陀羅尼德王陀羅
 尼三万六千人天得遠塵離垢法眼淨佛告
 寂靜意菩薩言尔時寶功德菩薩豈異人乎
 即汝身是以此因緣汝能說是陀羅尼門尔
 時文殊師利菩薩而說偈言
 能療眾惑病 猶彼天甘露 得者永不死
 尔時功德華王菩薩而說偈言 摠持無文字
 文字顯摠持 般若大悲力 離言文字說
 尔時闍兜率陀天王即從座起偏袒右肩右
 膝着地合掌向佛頭面作礼而白佛言世尊
 諸佛如來不可思議諸佛說法亦不可思議

諸大菩薩所行所說亦不可思議我等諸天宿世之中善根深厚得值如來聞說是法即以種種天諸寶華天香散佈如來以為供養尔時世尊告勝天王言大王凡欲供養佛如來者當修三法所謂發阿耨多羅三藐三菩提心護持正法如聞修行大王

若有修行此三法者是人名為供養如來大王假使如來壽命一劫住世說此供養福報不能窮盡是故大王若欲供養佛如來者具此三法乃名供養大王若有護持如來一句偈是人則為擁護過去現在未來諸佛阿耨多羅三藐三菩提何以故諸佛如來皆從

法生法供養者名真供養一切資財所不能及法供養者諸供養中最為第一尔時世尊告勝天王言我念過去無量無邊阿僧祇阿僧祇劫數行菩薩道時聞虛空中諸天說偈天人遠離大寶哉王號水火所去失

百千万劫法難聞得聞不持不施等道心為本化衆生如實修行心寂靜自利利他平等心如是修行供養佛大王我於往昔初聞此偈即為他說有八千人發阿耨多羅三藐三菩提心是故大王以法供養最為第一何以故一切諸佛從法生

故

勝天王般若波羅蜜經卷第六 羽六

延聖院比丘清滿書

勝天王般若波羅蜜經卷第七 羽七

陳後漢尼國王王子月婆首那譯

勝天王般若波羅蜜經卷第十三

尔時文殊師利菩薩自從座起偏袒右肩右膝著地合掌向佛頭面作禮而白佛言世尊如來所說甚深般若波羅蜜於未來世末代